

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. III. Quomodo peccatum originale per generationem in posteros Adæ traducatur?

---

[urn:nbn:de:hbz:466:1-77355](#)

quis adultus peccare in capite, in quo ejus voluntas moraliter continetur, & simul propria voluntate tale peccatum detestari: quod videtur absurdum.

Sed negatur sequela: quia ut peccatum capitum adulto imputetur, necessarium est quod tale peccatum sit illi voluntarium moraliter; eo autem ipso quod propria voluntate capitum voluntari opponatur, & illius peccatum retractet, vel illi efficaciter resistat, peccatum capitum non est illi voluntarium moraliter, & consequenter non peccat in capite. Quod duplice exemplo declarari potest. Primum est in parvulis, qui in instanti conceptionis peccatum originale ex Adamo contrahunt; si tamen Deus alicui illorum auxilium præberet, quo in tali instanti eliceret actum efficacem dilectionis supernaturalem, Deumque super omnia diligeret, non contraheret peccatum originale, eò quid propter talem actum peccatum capitum, quatenus fuit suum, efficaciter retractaret, & consequenter impediret ne illud influxum moralem exerceret, peccatum originale in se transfundere.

43. Aliud exemplum est: Si ego meum consensum in alium transferrem quoad percussionem alicuius v. g. & voluntatem meam non retractarem, illius percussio, mea reputaretur: si vero priusquam alter percussionem exerceretur, meum consensum retractarem, percussionemque efficaciter detestarer, illa mihi non imputaretur in foro interiori, nec mihi esset voluntaria moraliter. Idem cum proportione in casu proposito dicendum est: si enim adultus peccatum capitum, in quo ejus voluntas moraliter continetur, per actum proprie voluntatis non retractet, & voluntati capitum non se opponat, ejus peccatum imputatur illi; secundum autem, si per actum proprie voluntatis ei resistat, ejusque peccatum detestetur; tunc enim peccatum capitum non est illi voluntarium moraliter.

#### ARTICVLVS III.

*Quomodo peccatum originale per generationem in posteros Adae traducatur?*

44. CERTVM est, peccatum originale per generationem & seminalem propagationem ab Adamo tradi in posteris; ut enim ait S. Thomas hic qu. 8. art. 1. ad 2. *Pervir utem seminis traducitur humana natura à parente in prolem.* & simul cum natura naturæ infectio: ex hoc enim fit iste qui nascitur consors culpa primi parentis, quod naturam ab eo soritur per quandam generativam motionem. Unde Job. 14. dicitur: *Quis potest facere mundum de immundo conceptum semine?* nonne tu qui solus es? Quibus verbis (ut advertit idem S. Doctor 4. contra gent. cap. 10.) denotatur quod ex immunditia humani seminis, aliqua immunditia (peccati scilicet originalis) ad hominem ex semine conceptum pervenit. Sed gravissima difficultas est, quomodo mediante seminale, quod est substantia quædam corporeæ, peccatum originale ab Adamo tradi possit in posteris, & productio gratiae seu justitiae originalis impediiri.

45. Prima sententia docet in humano semine inesse aliquam qualitatem morbidam, aut infectionem realem ei superadditam, & ab Adamo derivatam, quæ peccatum originale causat,

A sicut in semine leprosi est quædam corruptio quæ est principium lepræ. Ita Gregorius, Richardus, Henricus, & alij, qui talem qualitatem non ex peccato Adami, sed ex serpentis sibilo venenosus fuisse derivatam afferunt.

B Verum hæc sententia, seu potius delirium, à Theologis communiter rejicitur: tum quia talis qualitas videtur omnino fictitia & chimica: tum etiam quia dato quod sibilus venenosus serpentis illam potuisset cauflare, eam solum produxisset in Eva, cum qua serpens colloquium miscerit, non verò in Adamo, cum quo sermonem non habuit. Et date quod in ipso qualitatem illam cauflasset, unde, quæso, potuisset tam fortis & validas obtinere radices, ut tot annorum curieculis firma perseverasset, nisi Deo speciali cursu illam conservante? quod nefas videtur divinae providentiae attribuere. Unde

C Secunda sententia afferit in semine hominum in natura lapsa, seclusa omni qualitate morbida superaddita, esse virtutem instrumentalem, seu qualitatem fluentem productivam peccati originalis, & derivatam ab Adamo tanquam à causa principalis. Cui sententia favere videtur S. Thomas hic qu. 8. art. 1. in corp. ubi sic ait: *Peccatum originale fuit in Adamo, sicut in prima causa principali... in semine autem corporali est peccatum originale, sicut in causa instrumentalis.* Et quod st. 4. de malo art. 1. ad 9. agnoscat in semine intentionalem virtutem, ratione cuius in illo continetur peccatum originale, ad modum quo color est in aere, & anima in semine.

Hic tamen dicendi modus difficilis appetet; Nam qualitas fluida, motioque intentionalis non possunt de novo existere, nisi etiam existat principium efficiens illarum: Sed modo Adamus & peccatum ejus actuale non existunt: Ergo Adamus per suum peccatum nequit esse causa efficiens qualitatis fluidæ vel motionis intentionalis in semine humano, quæ mediante peccatum originale in posteris producat.

D Explicatur amplius: Vel qualitas illa fluida existeret habitualiter in semine, vel solum tunc quando à genetante deciditur, & generationi applicatur? Non primum, tum quia permanentia habitualis non convenient fluida qualitatibus; tum etiam quia jam incidetur in sententiam supra confutatam de qualitate morbida. Nec secundum, quia quando semen deciditur, Adamus non existit, nec peccatum illius, & consequenter nequit ab illo effici physiceque causari qualitas prædicta: Ergo talis qualitas & motio intentionalis sunt impossibilis.

E Ut ergo vera sententia, & germana mens D. Thomæ percipiatur. Notandum est ex Ferrariensi 4. contra gent. cap. 5. Conrado hinc qu. 8. art. 1. Lirano super cap. 5. Epist. ad Roman. Salmanticensibus hic disput. 14. dub. 3. §. 3. & Thoma Leonardi in libro quem nuper edidit de tripli statu naturæ, lib. 2. cap. 15. quod quia Adamo data fuit justitia originalis non pro se tantum, sed sub eo pacto, ut si in innocentia permaneret, in omnes posteros, qui per seminalem propagationem ab eo descenderent, simul cum natura & per ipsum generationis actum illam propagaret, consequenter in semine ejus fuit virtus instrumentalis justitiae originalis causativa, quæ per primum Adæ peccatum ab ipso fuit ablata, ut docet S. Thomas qu. 4. de malo art. 1. ad 9. cuius verba infra referemus. Unde sicut in statu innocentiae duplex consideranda esset ratio in semine

## DE PECCATO ORIGINALI.

429

Adami; una naturalis & quasi propria, secundum quam esset instrumentum generantis in ordine ad naturam secundum se communicandam; alia quasi supernaturalis, seu divinitus superaddita, secundum quam se haberet ut instrumentum Dei in ordine ad propagandam cum natura justitiam originalem: ita post peccatum in eodem semine Adami, & posteriorum ab ipso descendentium, duplex ratio seu munus reperitur; unum naturale, quatenus habet esse instrumentum generationis & propagationis naturae; haec enim ratio seu perfectio, sicut & alia naturalia, non sunt amissa per peccatum; aliud accidentale & extrinsecum, quatenus est instrumentum Adami peccantis ad communicandum defectum originalis justitiae, in quo, ut infra dicemus, peccatum originale consistit. Primum ei convenit ratione sua naturalis & positiva perfectionis: secundum verò habet ex privatione supradictivoris instrumentalis, justitiae originalis productivi, causatè ex peccato ipsius primi parentis. Videamus enim in causalitatibus hanc lervari rationem, quod quicquid perfectionis in effectu reperitur, totum tribuitur perfectioni causa, quicquid verò est defectus & imperfectionis, in ejus defectum reducitur; sicut quicquid est vitalitatis, actualitatis, & motus in claudicatione, animæ & virtutis ejus motus tribuitur; quicquid autem est obliquitatis & defectus, reducitur in tibiam claudam & infirmam. Quæ doctrina desumpta est ex D. Thoma loco citato de malo, ubi hæc scribit: *Ex peccato primi parentis destituta est caro ejus illa virtute, ut ex ea posset decidi semen, per quod originalis justitia in aliis propagaretur.* Et sic in semine defectus hujus virtutis est defectus moralis corruptionis. & quadam intentio ejus: sicut dicimus intentionem coloris esse in aere, & intentionem animæ esse in semine. Ex hoc etiam est ibi virtus ad similem imperfectionem, sicut est ibi virtus ad productionem humanae nature in prole generata. Quibus verbis S. Doctor tria docet: Primum, in semine hominis fuisse in statu innocentiae virtutem instrumentaliam productivam justitiae originalis, quâ in penam peccati primi parentis privatum & defititum fuit. Secundum, in statu naturæ corruptæ semen, ut tali virtute destitutum, esse instrumentum quo Adam transfundit peccatum originale in posteros. Tertium, privationem virtutis productivæ naturæ cum justitiae originali esse corruptionem & infectionem seminis, & veluti quandam virtutem intentionalem peccati originalis. Quare non parvum allucinantur illi, qui existimant S. Thomam in semine humano qualitatem fluentem peccati originalis productivam admittere; hoc enim ab ejus mente penitus alienum est, cùm expressè dicat loco citato: *Defectus hujus virtutis (productiva justitiae originalis) est defectus moralis corruptionis, & quadam intentio ejus &c.* Unde Caïetanus hic qu. 81. art. 1. sic ait: E *Non oportet aliquam intentionalem qualitatem in semine fingere, quâ productivum sit culpa: hoc enim nec formavit Author, cum culpa nihil entitatis sit, & concomitante sit, & sufficiens sit semen dictum à natura destituta justitiae originali.* Verba autem Auctoris in quest. 4. de malo art. 1. ad 9. non significant oppositum, sed quod privatio justitiae originalis in semine, illo modo quo in semine salvatur, ex defectu spectat ad genus moris virtualiter, non quia est actus moralis,

A sed quia tendit ad tale peccatum; & sic ista privatio est quadam intentio mali moralis, & malum morale est in ea intentionaliter, sicut color in aere, & anima in semine. Et tenet similitudo quod hoc, quia intentio ordinatur ad illud cuius dicitur intentio; non quoad esse entia positiva, cum hoc de privatione dici non possit, etiam si fingendi detur licentia.

Quæres, an semen humanum, ut descendens primordialiter ab Adamo, & ut carens prædicto vigore, seu virtute instrumentalis productiva justitiae originalis, dici possit causa instrumentalis physica peccati originalis?

Respondeo affirmativè cum Salmanticensibus supra citatis: quia semen defecuum ratione talis privationis continet peccatum originale, eo proportionali modo quo ratione naturalis virtutis continet naturam humanam, & sicut ratione vigoris contineret justitiam originalem, scilicet virtualiter. Cum enim peccatum originale sit quid privativum, & in privatione justitiae originalis consistat, ut infra dicemus, sufficit ad illius efficientiam vis ut ita dicamus privativa: nam si virtus positiva cause continet perfectionem positivam effectus, non est cur privatio virtutis causa non contineat defectum privativum qui reperitur in effectu; cum ubi affirmatio est causa affirmationis, negatio sit causa negationis.

C Neque obstat quod privatio justitiae originalis, in qua peccatum originale consistit, sit major privatio, seu privatio majoris perfectionis, quam privatio prædicti vigoris: quia sicut in positivis non requiritur quod virtus instrumenti adæquet formaliter perfectionem effectus (hoc enim soli causa principali proprium est) ita in privativis non est necesse quod defectus instrumenti formaliter adæquet defectum in effectu productum. Vnde sicut vigor ille residens in semine, licet formaliter non adæquaret justitiam originalem, posset illam per modum instrumenti transfundere; sic defectus ejusdem vigoris, etiam si formaliter sit minor quam defectus ipsius justitiae originalis, potest eum per modum instrumenti communicare; habet enim se, ut dicebamus, defectus vigoris ad justitiae originalis defectum, sicut ipse vigor se haberet ad justitiam originalem.

D Non obest etiam huic continentiae, semini esse quid corporeum & materiale, sicut neque id continentiae justitiae originalis obest: nam licet peccatum non possit esse in re ita materiali & corpore, formaliter tanquam in subjecto, aut tanquam in causa effectiva principali, bene tam en virtualiter, sicut in causa instrumentaliter, ut explicat D. Thomas h[ic] art. 1. ad 3. & in 1. dist. 30. qu. 1. art. 2. ad 4. his verbis: *Discendum quod licet semen non habeat in se infectionem culpe in actu, habet tamen in virtute, sicut etiam patet quod ex semine leprosi generatur filii leprosi, quamvis in ipso semine non sit lepra in actu; est enim in semine virtus aliqua deficiens, per cuius defectum contingit defectus lepra in prole.* Similiter ex hoc ipso quod in semine est talis dispositio, qua privatur illa impossibilitate & ordinabilitate ad animam, quam in primo statu corpus humanum habebat, sequitur quod in prole, qua est susceptiva originalis peccati, efficiatur originale peccatum in actu.

E Ad complementum hujus questionis placet h[ic] subnecdere verba Augustini epist. 29. ad

Hhh iij

430

50:

Hieronymum, ubi faceto Apologo disputationem istam concludit. *Cum ( inquit ) aliquis ruisset in puteum, ubi aqua tantum erat, qua cum magis exciperet ne moreretur, quam suffocaret ne loqueretur, accidit alius, & dixit ei, quomodo huc cecidisti? At ille dixit, obsecro cogita quomodo hinc me liberes, & non quomodo huc cederim queras. Ita quoniam ex fide Catholica constat, de peccato originali tanquam de puento infantis animam Christi gratia liberari, satis nobis esse debet, quod modum quo salva fiat noverimus, etiam si nuncquam quomodo in malum illud devenerit perfecte cognoscamus.*

## ARTICVLVS. IV.

*An Adamus per quodcumque peccatum, dummodo esset primum, traduxisset in posteros culpam originalem?*

**S. 2.** PARTEM negativam tenent Alensis 2. p. qu. 22. membro 3. art. 3. Catarinus opusc. de peccato origin. parte ultimâ, Suarez de opere sex dierum lib. 6. cap. 13. num. 8. Merarius disp. 14. de peccatis sect. 4. & 5. & alii Recentiores, existimantes ex vi divinae legis, & pasti cum Adamo initi, solum duxat peccatum comingendi de ligno vetito potuisse ad nos ex Adamo derivari; & hoc derivaturum fuisse, etiam si non fuisset primum, sed alia praecessissent; atque adeò causalitate peccati originalis nequam fuisse alligatum illi peccato, quia primo, sed quia talis specie, scilicet gula.

## S. I.

*Sententia affirmans ut probabilius eligitur.*

**D**ico tamen, primum Adami peccatum fuisse causam traductionis culpæ originæ, non quia tal, sed quia primum: unde si quodvis aliud prius commisset, totam humanam infecisset naturam. Ita communiter docent nostri Thomistæ hic, quos sequuntur Durandus, Curiel, & alii.

**S. 3.** Probatur primò ex D. Thoma in 2. dist. 33. in fine in expositione littera ad secundam difficultatem, ubi sic ait; *Dicendum quod hoc est per accidens quod ( peccatum gulæ ) tale nocentium natura humana intulit; quia scilicet fuit primum peccatum quod naturam humanam vitavit.... quodcumque autem aliud peccatum fuisset hoc modo primum, etiam similem effectum habuisset, sive fuisset peccatum operis, sive voluntatis. Quo nihil clarius & exprixi in favorem nostræ assertioñi dici potest. Idem docet eadem dist. qu. 1. art. 1. dist. 21. qu. 2. art. 2. ad 2. ibidemque ad Annibal. art. 4. ad 2. Ad Rom. 5. E lect. 3. De malo qu. 4. art. 8. & 2. 2. qu. 163. art. 3. ad 2.*

**S. 4.** Probatur secundò ratione ex locis citatis de sumptâ. Idcirco primum Adæ peccatum traducitur in posteros, quia per illud primum homo amisit justitiam originalem, que erat quoddam donum gratuitum, toti humanae naturæ divinitutis in primo parente collatum: Sed per quodcumque aliud peccatum mortale, si fuisset primum, amisisset primum homo justitiam originalem; nam justitia originalis, utpote includens ipsam gratiam sanctificantem, erat incomposita.

A bilis cum quovis peccato mortali: Ergo quodcumque peccatum mortale ab Adamo commissum, si fuisset primum, fuisset in posteros traductum, subindeque fuisset causa originalis peccati.

Dices: Adamus per quodcumque mortale peccatum, si fuisset primum, amisisset quidem pro se originalem justitiam, non tamen pro posteris.

Sed contra: Eo ipso quod Adamus per primum peccatum amisisset justitiam originalem, amisisset etiam vigorem ad eam communicandam posteris, quia ( ut dicebamus articulo precedentem ) talis vigor quasi dimanabat ab ipsa justitia, & erat illi annexus: Ergo non solum pro se, sed etiam pro posteris, per primum peccatum justitiam originalem amisisset. Consequenter manifesta est: amittere enim justitiam originalem pro posteris, est amittere vim ad eam posteris communicandam.

## S. II.

*Solvuntur objectiones.*

**O** BICES primò: Solum illud peccatum Adami derivaretur ad posteros, quod esset capitale, id est, commissum ab eo ut capite totius naturæ: Sed nullum aliud, præter eum ligni vetiti, esset capitale, sed personale tantum: Ergo nullum aliud, præter istud, et si esset primum, ad posteros Adami derivaretur. Major patet, Minor probatur. Peccatum Adami non habebat esse capitale ex natura rei, quia videlicet erat caput naturale sive posteritatis, sed ex vi pasti quo fuit constitutus caput morale illius, ut art. 2. ostensum est: Sed paclum solum fuit initium cum Adamo in ordine ad impletionem aut transgressionem precepti de non comedendo de ligno vetito: Ergo nullum aliud peccatum, præter eum ligni vetiti, potuit esse capitale. Minor probatur: Paclum enim cum Adamo initium non aliunde colligitur, quam ex verbis istis Dei ad Adamum Genes. 2. *De ligno scientia boni & mali ne comedas: in quocumque enim die comederis ex eo, morte morieris:* Sed hæc comminatio solum respicit transgressionem illius precepti positivi: Ergo paclum cum Adamo initium, hujus tantum precepti observantia aut transgressioni erat alligatum.

Repondeo concessa Majori, negando Minor. Ad illius probationem neganda est iterum Minor. Ad cuiusprobationem, distinguo Minor: haec comminatio solum respicit transgressionem illius precepti positivi, explicitè & formaliter, concedo Minorem: implicitè & virtualiter, nego Minorem: nam ut ait D. Thomas in 2. dist. 33. in expositione textus supra citata: *In hoc ostenditur, quod etiam si alia peccata commisset, similem punam sustinuerit, quasi à minori ad maius: gravius est enim preceptum preterire naturalis legis, quo prohibetur illud quod in se est malum, quam præterire preceptum disciplina, quo prohibetur quod non est malum, nisi quia prohibitum.*

Objicies secundò: Prius Adam peccavit peccato superbia, quam gula, vel inobedientia; & tamen peccatum Adæ, quod transmittrit in posteros, non est superbia, sed inobedientia, ut patet ex verbis illis Apostoli ad Roman. 5. *Per unius inobedientiam peccatores constituti sunt*